

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 23.03.2018թ. թիվ 1807817698 որոշումն անփոփոխ, իսկ վարչական բողոքն առանց բավարարման թողնելու մասին

<<19>> 04 2018թ. 174-44672-18/74-5808

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Արաիկ Սարգսյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Ավան Առինջ 1 միկրոշրջանի 1/8 շենքի 33 բնակարանի բնակիչ Արաիկ Սարգսյանը խնդրել է վերանայել Ճանապարհային ոստիկանության վարչական տույժ նշանակելու մասին 23.03.2018թ. թիվ 1807817698 որոշումը՝ նշելով, որ որոշմամբ արձանագրված փողոցների խաչմերուկում իրավախախտում չի կատարել:

Դիմումի քննարկման արդյունքում պարզվել է, որ վարչական ակտը վերանայելու հիմքեր չկան՝ հետևյալ պատճառաբանությամբ.

ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> թիվ 955-Ն որոշման 84-րդ կետի 4-րդ ենթակետի համաձայն՝ կանգառն **արգելվում է հետիոտնային անցումների վրա** և երթևեկելի մասի հետ հետիոտնային անցումների շփման եզրերից (դեպի երթևեկելի մասեր) 5 մ պակաս վայրում:

Իրավախախտումն ամրագրած տեսանյութից հստակ երևում է, որ դիմումատուին պարկանող տրանսպորտային միջոցը **կատարել է կանգառ երթևեկելի մասի հետ հետիոտնային անցումների վրա:**

Ինչ վերաբերվում է դիմումատուի փաստարկին, ապա նշեմ, որ վարչական տույժ նշանակելու մասին որոշումների մեջ իրավախախտման վայրը նշվում է տեսախցիկի տեղադրման վայրով պայմանավորված և ընդգրկում է տեսախցիկի աշխատայքային տիրույթում գտնվող հատվածը, հետևաբար դա չի նշանակում, որ իրավախախտումը կատարվել է խաչմերուկի տարածքում:

Այսպիսով՝ դիմումատուի արարքում առկա է Վարչական իրավախախտումների վերաբերյալ ՀՀ օրենսգրքի 124-րդ հոդվածի 26-րդ մասի հատկանիշները, որով սահմանված է միայն մեկ սանկցիա՝ տուգանք 15000 ՀՀ դրամի չափով, հետևաբար վարչական պատասխանատվության ենթարկելու մասին որոշումը օրինական է և իրավաչափ, ուստի պետք է կրել օրենքով սահմանված ոչ բարենպաստ հետևանքները:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 23.03.2018թ. թիվ 1807817698 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Արաիկ Սարգսյանին և ՃՈՒ ՏՄՀԽԱ կենտրոն:

Ե.Կարապետյան